

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 10 MAC 2015, PUKUL 10.00 PAGI

Bil. 2

PERTANYAAN-PERTANYAAN BAGI JAWAB LISAN

1. PR-1331-L67189
Tan Sri Datuk Seri Panglima Annuar bin Musa [Ketereh] minta **PERDANA MENTERI** menyatakan berapakah jumlah keluarga yang kehilangan tempat tinggal akibat banjir di Kelantan pada Disember 2014 dan apakah punca yang telah dikenal pasti yang menyebabkan kemusnahan banyak tempat tinggal akibat bah yang melanda.
2. PR-1331-L67014
Tuan Mohamed Azmin bin Ali [Gombak] minta **MENTERI TENAGA, TEKNOLOGI HIJAU DAN AIR** menyatakan apakah Kerajaan Persekutuan masih komited untuk melaksanakan *Master Agreement* Penstrukturan Air Negeri Selangor yang hingga kini masih belum selesai.
3. PR-1331-L66636
Dato' Seri Reezal Merican bin Naina Merican [Kepala Batas] minta **MENTERI KEWANGAN** menyatakan kemampuan sistem kewangan/ekonomi negara menangani kemungkinan “pensabotaj ekonomi” (dalam apa sahaja bentuk dan keadaan) pada ketika keadaan ekonomi global semakin “*volatile*” pada ketika ini.
4. PR-1331-L66847
Tuan Lim Guan Eng [Bagan] minta **MENTERI TENAGA, TEKNOLOGI HIJAU DAN AIR** menyatakan sebab kadar elektrik tidak diturunkan sebanyak 35 peratus selaras dengan kenaikan keuntungan Tenaga Nasional Berhad sebanyak 35 peratus dan bukannya sekadar 4 peratus untuk 4 bulan sahaja pada Mac hingga akhir Jun.

5. PR-1331-L66013
Dato' Shamsul Anuar bin Haji Nasarah [Lenggong] minta **MENTERI DALAM NEGERI** menyatakan :-
 - (a) tahap keselamatan semua pintu masuk ke negara ini sama ada di lapangan terbang, pelabuhan atau pintu sempadan yang lain; dan
 - (b) mengapa pengganas antarabangsa memilih Malaysia sebagai tempat perlindungan.
6. PR-1331-L67229
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan kaedah yang digunakan untuk menetapkan kadar yuran akademik di peringkat tertiar.
7. PR-1331-L66602
Datuk Liang Teck Meng [Simpang Renggam] minta **MENTERI PERTANIAN DAN INDUSTRI ASAS TANI** menyatakan adakah Kementerian mempunyai perancangan untuk meletakkan seorang pegawai pemantau di setiap pasar tani besar di Malaysia dalam memastikan para peniaga tidak menjual barangan pada harga yang tinggi melebihi harga ditetapkan.
8. PR-1331-L65525
Dato' Fauzi bin Abdul Rahman [Indera Mahkota] minta **MENTERI KESIHATAN** menyatakan apakah Kementerian bersedia memperbanyakkan lagi hospital-hospital pakar seperti Institut Jantung Negara (IJN) di mana ianya dikhususkan bagi menangani penyakit-penyakit khusus yang sering dihadapi rakyat Malaysia di samping mempunyai kakitangan yang berhemah tinggi lagi profesional dan menjadikan IJN sebagai standard ukuran perkhidmatan yang baik.
9. PR-1331-L65847
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI BELIA DAN SUKAN** menyatakan apakah usaha Kementerian untuk menangani dan mengawal penyalahgunaan bahan di kalangan atlet yang diharamkan oleh International Olympic Committee(OIC). Strategi jangka pendek dan jangka panjang.
10. PR-1331-L67391
Tuan Liew Chin Tong [Kluang] minta **MENTERI KERJA RAYA** menyatakan status permohonan pembinaan jejantas sepanjang FT050 Jalan Mersing di persimpangan Jalan Bakar Sampah (Sek. 54.5), Taman Sam Hoe (Sek. 56.4), Taman Desa (FT050/49/800), Jalan Mesjid (FT050/53/800), Mesjid India (FT050/54/600) serta Sekolah Agama Gunung Lambak (FT050/55/300). Apakah kriteria yang perlu dipenuhi sebelum cadangan pembinaan jejantas di laluan jalan persekutuan dapat dipertimbangkan.

11. PR-1331-L67370
Datuk Mas Ermieyati binti Samsudin [Masjid Tanah] minta **MENTERI PEMBANGUNAN WANITA, KELUARGA DAN MASYARAKAT** menyatakan pelan tindakan yang disediakan bagi memastikan tahap aksesibiliti kepada kemudahan persekitaran dan alam sejagat yang mesra OKU dipertingkatkan demi kesejahteraan OKU.
12. PR-1331-L65945
Dato' Dr. Nik Mazian bin Nik Mohamad [Pasir Puteh] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan kenapa harga barangan terkawal seperti gula, minyak masak dan sebagainya tidak diturunkan selaras dengan penurunan harga minyak di pasaran.
13. PR-1331-L67412
Dato' Seri Tiong King Sing [Bintulu] minta **PERDANA MENTERI** menyatakan apakah rancangan seterusnya oleh pihak Kerajaan secara menyeluruh untuk membantu mangsa-mangsa banjir kebelakangan ini di seluruh negara seperti Kelantan dan Sarawak yang mengalami kerugian serta kerosakan yang amat teruk.
14. PR-1331-L66746
Tuan Chua Tian Chang @ Tian Chua [Batu] minta **MENTERI KESIHATAN** menyatakan adakah Kementerian akan memisahkan penjualan ubat dan perkhidmatan rawatan. Apakah sebab-sebab untuk pertukaran ini. Bolehkah pertukaran ini menjadi satu sebab kenaikan harga ubat-ubatan.
15. PR-1331-L66240
Dato' Noraini binti Ahmad [Parit Sulong] minta **MENTERI KEWANGAN** menyatakan kesan penurunan nilai matawang ringgit dan kejatuhan harga minyak global kepada pendapatan negara pada 2014.
16. PR-1331-L66850
Tuan Teo Kok Seong [Rasah] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan :-
 - (a) langkah jangka masa panjang untuk membanteras sindiket penipuan gores dan menang; dan
 - (b) jumlah kes penipuan gores dan menang yang diterima sejak 2013 sehingga 2014 berdasarkan negeri.
17. PR-1331-L67328
Datuk Rozman bin Isli [Labuan] minta **MENTERI KEMAJUAN LUAR BANDAR DAN WILAYAH** menyatakan adakah Kerajaan bersedia untuk menurunkan kuasa kepada Jawatankuasa Kemajuan dan Keselamatan Kampung (JKKK) untuk mentadbir kampung terutamanya perkara-perkara berkaitan perkhidmatan dan penyelenggaraan bangunan-bangunan awam seperti balai raya dan sebagainya.

18. PR-1331-L67275
Dato' Haji Mahfuz bin Omar [Pokok Sena] minta **MENTERI PERTANIAN DAN INDUSTRI ASAS TANI** menyatakan :-
- (a) jumlah import beras berbanding pengeluaran beras tempatan untuk tahun 2012, 2013 dan 2014; dan
 - (b) jumlah individu/syarikat yang mendapat kuota penyediaan beras ST15 tempatan dan jumlah berat metrik tan setiap bulan bagi setiap penerima.
19. PR-1331-L66180
Datuk Wira Haji Ahmad bin Hamzah [Jasin] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) apakah langkah-langkah yang telah dan sedang diambil untuk meningkatkan keupayaan rakyat Malaysia merebut peluang-peluang yang wujud; dan
 - (b) menangani cabaran-cabaran yang dihadapi ekoran daripada terbentuknya komuniti ekonomi ASEAN (AEC) sedangkan majoriti rakyat Malaysia berada di dalam kegelapan.
20. PR-1331-L66974
Tuan Wong Ling Bui [Sarikei] minta **MENTERI KERJA RAYA** menyatakan sejauh manakah projek pembinaan Lebuh raya Pan Borneo telah dilaksanakan. Bilakah projek pembinaan Lebuh raya Pan Borneo tersebut akan siap dibina.
21. PR-1331-L67076
Dato' Hasbullah bin Osman [Gerik] minta **MENTERI DALAM NEGERI** menyatakan bilakah pelaksanaan akan dibuat bagi menambahkan lagi kekuatan Unit Pencegahan Penyeludupan (UPP) di seluruh negara khususnya di Daerah Kecil Pengkalan Hulu, Perak dan bilakah unit berkenaan akan diperluaskan ke Sabah dan Sarawak seperti mana yang pernah dinyatakan dalam Dewan ini.
22. PR-1331-L66225
Puan Teresa Kok Suh Sim [Seputeh] minta **PERDANA MENTERI** menyatakan sama ada Kerajaan mempunyai garis panduan bagi perkhidmatan Kerajaan yang boleh diswastakan demi memastikan keselamatan negara tidak dijejaskan. Sekiranya ada, nyatakan secara terperinci tentang garis panduan tersebut.
23. PR-1331-L67454
Datuk Hajah Norah binti Abd Rahman [Tanjong Manis] minta **MENTERI PENDIDIKAN** menyatakan mengapa berlakunya kekurangan guru-guru anak tempatan Sarawak yang berkelayakan untuk mengajar di Sarawak serta menyatakan bidang mata pelajaran secara khusus dan peratusan kekurangan tersebut.

24. PR-1331-L65402
Datuk Linda Tsen Thau Lin [Batu Sapi] minta **MENTERI KEWANGAN** menyatakan kesan-kesan daripada penyusutan nilai Ringgit Malaysia berbanding dengan matawang dunia utama yang lain dan cara-cara penyelesaian masalah-masalah yang diakibatkan oleh penyusutan nilai ini.
25. PR-1331-L65583
Tuan Sim Tong Him [Kota Melaka] minta **PERDANA MENTERI** menyatakan :-
- (a) adakah pegawai-pegawai dan kakitangan Parlimen Malaysia mencukupi untuk menghadapi tambahan persidangan dan urusan-urusan harian; dan
 - (b) bilakah perjalanan sistem Parlimen Malaysia kita perlu disusun semula dengan mewujudkan sistem jawatankuasa bagi tujuan tertentu seperti bajet dan kewangan.
26. PR-1331-L66037
Datuk Aaron Ago anak Dagang [Kanowit] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah sebenarnya prosedur pelaksanaan subsidi pengangkutan di kawasan pedalaman Sarawak dan Sabah. Mengapa peruncit-peruncit di kawasan pedalaman tersebut masih tidak dapat menjual barang-barang seperti barang keperluan, gas dan petrol, sama harga dengan yang di bandar-bandar besar .
27. PR-1331-L66478
Tuan Sim Tze Tzin [Bayan Baru] minta **PERDANA MENTERI** menyatakan pendirian rasmi Kerajaan terhadap seruan Menteri Pertanian dan Industri Asas Tani memanggil majoriti pengguna Melayu memboikot peniaga Cina untuk menurunkan harga barang.
28. PR-1331-L67040
Datuk Wee Jeck Seng [Tanjong Piai] minta **MENTERI SUMBER ASLI DAN ALAM SEKITAR** menyatakan usaha pemuliharaan semula hutan yang akan dilaksanakan oleh kementerian untuk mengembalikan penerokaan hutan yang tidak terkawal.
29. PR-1331-L66625
Tuan Ahmad Marzuk bin Shaary [Bachok] minta **MENTERI PERTANIAN DAN INDUSTRI ASAS TANI** menyatakan apakah perancangan terkini pihak Kementerian dalam memastikan kawasan tanah pertanian terbiar di Bachok diusahakan dengan tanaman yang boleh menjana ekonomi petani dan membawa pulangan pendapatan yang lumayan. Berapakah keluasan tanah pertanian yang terbiar di Bachok.

30. PR-1331-L66513
Tuan Haji Ahmad Lai bin Bujang [Sibuti] minta **MENTERI KEWANGAN** menyatakan :-
- (a) adakah pihak Kerajaan membuat kajian mengenai jumlah penduduk negara yang tidak memiliki akaun simpanan di bank tempatan; dan
 - (b) apakah langkah Kerajaan bagi memastikan majoriti penduduk Malaysia mempunyai sekurang-kurangnya 1 akaun simpanan bank.
31. PR-1331-L65989
Dr. Ko Chung Sen [Kampar] minta **MENTERI KOMUNIKASI DAN MULTIMEDIA** menyatakan :-
- (a) sama ada Suruhanjaya Komunikasi dan Multimedia Malaysia (SKMM) sedar halaman *Facebook* dan blog “Boikot Barangan Cina DAP”• mungkin menghasut kebencian terhadap DAP; dan
 - (b) adakah tindakan ini boleh diterima atau dianggap menghasut dan apakah tindakan yang akan diambil.
32. PR-1331-L67109
Tuan Manivanan a/l Gowindasamy [Kapar] minta **MENTERI PENDIDIKAN** menyatakan :-
- (a) senarai nama tokoh-tokoh akademik dalam bidang ilmu sejarah yang telah dilantik sebagai ahli Panel Pakar Rujuk Kurikulum Sejarah dan Buku Teks Sejarah; dan
 - (b) perkembangan dan status terkini Panel Pakar Rujuk Kurikulum Sejarah dan Buku Teks Sejarah setakat ini. Apakah mekanisme yang digunakan untuk memastikan bahawa sejarah dipelihara dengan sewajarnya.
33. PR-1331-L65497
Dato' Takiyuddin bin Hassan [Kota Bharu] minta **MENTERI PENDIDIKAN** menyatakan sejauh manakah mahasiswa dibenarkan bergiat dalam politik di bawah Akta Universiti dan Kolej Universiti (AUKU) 1975.
34. PR-1331-L66712
Puan Teo Nie Ching [Kulai] minta **MENTERI DALAM NEGERI** menyatakan jumlah laporan polis dibuat terhadap Mashitah Ibrahim dan YB Menteri Ismail Sabri, dan hasil siasatan polis.
35. PR-1331-L67268
Dato' Dr. Mujahid Yusof Rawa [Parit Buntar] minta **MENTERI PELANCONGAN DAN KEBUDAYAAN** menyatakan usaha yang dibuat untuk menggalakkan Dasar Pelancongan Islam di negara ini.

36. PR-1331-L65512
Dato' Haji Mohd Zaim bin Abu Hasan [Parit] minta **PERDANA MENTERI** menyatakan adakah Kerajaan bercadang untuk mewujudkan Undang-Undang Bencana Negara bagi mengatasi musibah bencana seperti yang berlaku baru-baru ini.
37. PR-1331-L66318
Tuan Nga Kor Ming [Taiping] minta **PERDANA MENTERI** menyatakan apakah tindakan yang akan diambil oleh Kerajaan ke atas YB. Menteri Pertanian dan Industri Asas Tani yang mengaku telah menghasut orang Melayu memboikot peniaga-peniaga Cina.
38. PR-1331-L66824
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI PENDIDIKAN** menyatakan langkah-langkah yang diambil oleh Kementerian bagi menggalakkan ibu bapa untuk menghadiri mesyuarat PIBG sekolah demi kepentingan dan tanggungjawab terhadap pendidikan anak-anak.
39. PR-1331-L66565
Dr. Ong Kian Ming [Serdang] minta **MENTERI BELIA DAN SUKAN** menyatakan komposisi Parlimen Belia mengikut pecahan jantina, kaum dan umur serta tindakan yang akan diambil supaya Parlimen Belia lebih menggambarkan populasi belia.
40. PR-1331-L66955
Tuan Er Teck Hwa [Bakri] minta **MENTERI PERTAHANAN** menyatakan jumlah peserta PLKN mengikut taburan kaum, agama, jantina dan pusat latihan semenjak ditubuhkan sehingga kini.
41. PR-1331-L66611
Tuan Ramkarpal Singh a/l Karpal Singh [Bukit Gelugor] minta **MENTERI DALAM NEGERI** menyatakan berkenaan tindakan yang akan diambil terhadap Pasukan Peronda Sukarela (PPS) di Pulau Pinang yang dikatakan sebagai satu badan yang tidak mengikut undang-undang dan sama ada PPS tersebut akan digabungkan dengan badan keselamatan yang lain.
42. PR-1331-L67234
Tuan Julian Tan Kok Ping [Stampin] minta **MENTERI DALAM NEGERI** menyatakan jumlah serta jenis kes yang dikenakan siasatan atas *Sedition Act* setelah ia dikenalpasti baru-baru ini. Dalam senarai, kategorikan juga ahli politik serta aktivis yang akan disiasat mahupun sedang disiasat.
43. PR-1331-L65876
Datuk Raime bin Unggi [Tenom] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan sejak bilakah projek pengedaran dan penyeragaman harga petrol dan diesel (*Community Drumming*) diwujudkan dan apakah kesan/impaknya terhadap penduduk luar bandar.

44. PR-1331-L66201
Datuk Zahidi bin Zainul Abidin [Padang Besar] minta **MENTERI PENGANGKUTAN** menyatakan jumlah kos yang telah dibelanjakan dan ditanggung oleh Kerajaan bagi misi pencarian MH370 ketika ini dan juga anggaran kos keseluruhan bagi misi pencarian tersebut.
45. PR-1331-L67130
Puan Hajah Normala binti Abdul Samad [Pasir Gudang] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan langkah yang diambil oleh pihak Kementerian bagi memastikan maklumat berkenaan Panduan Harga Pengguna dapat disalurkan kepada semua lapisan masyarakat agar info tersebut dapat digunakan dengan sebaiknya oleh pengguna.
46. PR-1331-L66153
Tuan Wong Tien Fatt @ Wong Nyuk Foh [Sandakan] minta **MENTERI PENDIDIKAN** menyatakan bilangan guru yang berkhidmat di setiap negeri secara terperinci mengikut kaum, jantina dan tempat asal. Dan juga nyatakan bilangan guru yang berasal dari Semenanjung kini sedang berkhidmat di Sabah dan sebaliknya bilangan guru yang berasal dari Sabah kini berkhidmat di Semenanjung.
47. PR-1331-L67119
Tan Sri Dato' Sri Dr. Jamaluddin bin Mohd Jarjis [Rompin] minta **MENTERI SUMBER ASLI DAN ALAM SEKITAR** menyatakan :-
- (a) apakah perancangan Kementerian mengenai kehakisan sungai-sungai di Malaysia, khasnya di sungai-sungai di Pahang lanjutan daripada bencana banjir besar baru-baru ini; dan
 - (b) apakah usaha-usaha Kementerian yang dibuat bagi menghadapi kehakisan disebabkan oleh pukulan ombak yang kuat dan deras di pinggir laut kerana kehakisan ini akan mengancam laluan bot-bot laut dalam ke muara sungai hingga boleh menjejaskan pendapatan nelayan yang menggunakan sungai sebagai mata pencarian mereka.
48. PR-1331-L66926
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan sejauhmanakah Suruhanjaya Pilihan Raya telah menimbangkan pandangan daripada NGO khususnya daripada pihak BERSIH bagi menjalankan proses persempadanan semula kawasan pilihan raya.
49. PR-1331-L66419
Raja Dato' Kamarul Bahrin Shah [Kuala Terengganu] minta **MENTERI SUMBER ASLI DAN ALAM SEKITAR** menyatakan apakah status terakhir kajian alam sekitar (E.I.A) di muara Sungai Terengganu di kawasan Shah Bandar berkaitan dengan kerja-kerja penambakan tanah dan kesan kerja-kerja tersebut pada waktu banjir minggu terakhir bulan Disember 2014 baru-baru ini.

50. PR-1331-L65977
Puan Siti Zailah binti Mohd Yusoff [Rantau Panjang] minta **MENTERI PEMBANGUNAN WANITA, KELUARGA DAN MASYARAKAT** menyatakan hasil kajian dan rujukan sebelum pelaksanaan hukum penjara kepada ibu bapa yang merotan kanak-kanak dilaksanakan di Malaysia.
51. PR-1331-L65676
Datuk Dr. Makin @ Marcus Mojigoh [Putatan] minta **MENTERI DALAM NEGERI** menyatakan :-
- (a) jumlah kenderaan dari negeri Sabah dan Sarawak (terutama sekali pacuan 4 roda) yang diseludup ke Long Bawan, utara Kalimantan Indonesia sejak sepuluh tahun yang lalu; dan
 - (b) apakah langkah-langkah yang diambil oleh pihak Kementerian bagi mengatasi masalah jenayah rentas sempadan seperti ini.
52. PR-1331-L65988
Dr. Ko Chung Sen [Kampar] minta **MENTERI KESIHATAN** menyatakan sama ada pengamal perubatan swasta akan dilarang daripada memberi ubat di klinik mereka.
53. PR-1331-L66347
Tuan Lim Kit Siang [Gelang Patah] minta **MENTERI DALAM NEGERI** menyatakan kesesuaian Ketua Polis Negara yang menyalahgunakan *twitter* untuk menakut-nakutkan aktivis serta ahli politik pembangkang khususnya dan orang ramai amnya menerusi arahan secara terbuka kepada kakitangan beliau supaya mengambil tindakan terhadap golongan ini tanpa sebarang bukti/siasatan.
54. PR-1331-L66060
Tuan Ng Wei Aik [Tanjong] minta **PERDANA MENTERI** menyatakan sama ada kapal-kapal asing yang memasuki perairan Malaysia juga dibakar atau ditenggelamkan dan nyatakan bilangan kapal asing yang dibakar atau ditenggelamkan, bilangan nelayan atau anak kapal yang ditangkap dan tindakan pendakwaan serta hukuman yang dijatuhkan ke atas mereka dalam tempoh 5 tahun yang lepas.
55. PR-1331-L66655
Tuan Loke Siew Fook [Seremban] minta **PERDANA MENTERI** menyatakan secara terperinci semua destinasi pesawat pengangkut VIP Airbus A319CJ dengan pendaftaran 9M-NAA milik TUDM dalam lawatan Perdana Menteri ke Amerika Syarikat pada bulan Disember 2014 dan butiran kos secara terperinci untuk keseluruhan lawatan tersebut.
56. PR-1331-L65545
Tuan Fong Kui Lun [Bukit Bintang] minta **MENTERI KEWANGAN** menyatakan berikutan kejatuhan harga minyak dunia telah memberi kesan buruk ke atas nilai matawang dan ekonomi Malaysia, apakah persiapan Kerajaan untuk membendung kesan buruk ke atas negara jika kejatuhan nilai ringgit berpanjangan selain menyemak semula Bajet 2015.

57. PR-1331-L66977
Tuan Gooi Hsiao-Leung [Alor Setar] minta **MENTERI KOMUNIKASI DAN MULTIMEDIA** menyatakan memandangkan kutukan antarabangsa berleluasa terhadap sabitan Anwar Ibrahim pada 10 Februari, bagaimanakah kerajaan akan membetulkan pandangan antarabangsa yang buruk dan negatif terhadap Malaysia.
58. PR-1331-L65958
Dr. Che Rosli bin Che Mat [Hulu Langat] minta **MENTERI PENDIDIKAN** menyatakan bilangan dan senarai Universiti Awam dan Swasta yang masih menawarkan Kursus Kejururawatan memandangkan masih ramai lulusan Kejururawatan yang tidak mendapat pekerjaan.
59. PR-1331-L66257
Dato' Mohd Ariff Sabri bin Abdul Aziz [Raub] minta **MENTERI KEWANGAN** menyatakan :-
- (a) di manakah wang sebanyak USD2.318 bilion yang dikatakan telah di "*fully redeemed*" oleh CEO 1MDB Arul Kanda; dan
 - (b) di manakah wang sebanyak USD1.215 bilion yang dikatakan bahagian pertama dari USD2.138 bilion disimpan.
60. PR-1331-L65987
Dr. Ko Chung Sen [Kampar] minta **MENTERI DALAM NEGERI** menyatakan :-
- (a) bilangan orang awam Malaysia yang ditahan di luar negara kerana terlibat dengan aktiviti jihad kumpulan militan negara Islam; dan
 - (b) apakah pelan dan tindakan selanjutnya diambil mengenai kumpulan orang yang ditahan ini dan apakah yang menyebabkan kumpulan ini memilih menjadi militan.
61. PR-1331-L65439
Tuan Hee Loy Sian [Petaling Jaya Selatan] minta **MENTERI PENGANGKUTAN** menyatakan pampasan yang perlu dibayar kepada syarikat konsesi AES setelah AES dimansuhkan.
62. PR-1331-L66440
Tuan William Leong Jee Keen [Selayang] minta **MENTERI KEWANGAN** menyatakan alasan-alasan untuk peningkatan hutang luar negeri RM740 bilion pada suku ketiga 2014 berbanding RM43 bilion dari 1990 hingga 2013 dan kesannya kepada kewangan Kerajaan dan ekonomi.
63. PR-1331-L66045
Datuk Ahmad Jazlan bin Yaakub [Machang] minta **PERDANA MENTERI** menyatakan :-
- (a) anggaran kerugian harta benda dan prasarana secara keseluruhan yang musnah akibat banjir yang berlaku di Kelantan baru-baru ini; dan

- (b) berapakah perbelanjaan yang diperuntukkan oleh Kerajaan bagi tujuan baik pulih dan bantuan kepada mangsa banjir.
64. PR-1331-L67187
Puan Kasthuriraani a/p Patto [Batu Kawan] minta **MENTERI LUAR NEGERI** menyatakan apakah kelayakan serta kepakaran Tan Sri Muhammad Shafee Abdullah atas lantikan beliau sebagai wakil Malaysia bagi Suruhanjaya Antara Kerajaan ASEAN Mengenai Hak Asasi Manusia (AICHR).
65. PR-1331-L65893
Datuk Madius Tangau [Tuaran] minta **MENTERI DALAM NEGERI** menyatakan berapakah bilangan laporan polis yang telah dibuat oleh pelbagai pihak meminta pihak polis menyiasat kewujudan 'Projek I/C' dan apakah status penyiasatan polis terhadap laporan-laporan tersebut setakat ini.
66. PR-1331-L65912
Tuan Tan Kok Wai [Cheras] minta **MENTERI PERTANIAN DAN INDUSTRI ASAS TANI** menyatakan keadaan yang ada kaitan dengan pengeluaran makanan dalam negara dan berapakah jumlah perbelanjaan ke atas makanan import setiap tahun mulai 2005 hingga 2014.
67. PR-1331-L65656
Puan Hajah Zuraida binti Kamaruddin [Ampang] minta **PERDANA MENTERI** menyatakan SOP atau Prosedur Operasi Standard bagi setiap syarikat pengangkutan bas khususnya dalam pengambilan pemandu.
68. PR-1331-L66328
Dr. Tan Seng Giaw [Kepong] minta **PERDANA MENTERI** menyatakan pencapaian dan kelemahan projek-projek 1 Malaysia.
69. PR-1331-L66796
Tuan Chong Chieng Jen [Bandar Kuching] minta **MENTERI PENDIDIKAN** menyatakan jumlah guru yang berasal dari Semenanjung Malaysia telah dihantar bertugas di negeri Sarawak dalam tahun 2010, 2011, 2012, 2013, 2014 dan 2015. Apakah komposisi daripada segi kaum guru-guru tersebut.
70. PR-1331-L66173
Dato' Wira Mohd Johari bin Baharom [Kubang Pasu] minta **MENTERI KESIHATAN** menyatakan bilakah penyalahgunaan daun ketum yang selama ini berada di bawah Akta Racun 1952 akan dijadikan kesalahan di bawah Akta Dadah Berbahaya 1952 memandangkan penyalahgunaan daun ini semakin serius berleluasa terutamanya di kawasan Utara Semenanjung dan melibatkan pelajar sekolah.
71. PR-1331-L65450
Datuk Dr. Haji Abd. Latiff bin Haji Ahmad [Mersing] minta **MENTERI SUMBER ASLI DAN ALAM SEKITAR** menyatakan adakah Kementerian bercadang untuk menubuhkan Suruhanjaya Perlindungan Alam Sekitar bagi tujuan mengawal selia alam sekitar daripada terjejas dan tercemar disebabkan oleh projek pembangunan dan penebangan hutan yang tak terkawal sehingga berlakunya banjir besar.

72. PR-1331-L65465
Dr. Azman bin Ismail [Kuala Kedah] minta **MENTERI SAINS, TEKNOLOGI DAN INOVASI** menyatakan berapa buah satelit Malaysia yang telah dilancarkan dan berapa kos yang terlibat semuanya. Berapa satelit yang masih lagi beroperasi dan untuk tujuan apa.
73. PR-1331-L66530
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan sama ada baki wang sebanyak US\$1.1 bilion yang telah dituntut oleh 1MDB daripada pelaburan di Cayman Islands adalah berbentuk wang tunai atau masih dalam pegangan aset. Di manakah lokasi wang tunai atau aset ini.
74. PR-1331-L66679
Dato' Ngeh Koo Ham [Beruas] minta **MENTERI PENGANGKUTAN** menyatakan berapa jumlah pampasan yang dibayar kepada syarikat-syarikat pengusaha Penguatkuasa Secara Automatik (Automated Enforcement System) apabila perjanjian dengan syarikat-syarikat ini ditamatkan. Apakah sistem penguatkuasaan jalan raya yang sedang digunakan untuk memastikan orang ramai mengikut undang-undang jalan raya.
75. PR-1331-L66438
Tuan Lim Lip Eng [Segambut] minta **PERDANA MENTERI** menyatakan berapa ramaikah menteri persekutuan yang pernah menulis surat rasmi kepada Federal Bureau of Investigation (FBI) di Amerika Syarikat dan berapa kalikah Paul Wei Seng Phua telah terlibat di dalam projek yang membabitkan keselamatan negara.
76. PR-1331-L66461
Tuan William Leong Jee Keen [Selayang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sama ada konsep Bina Kemudian Jual tidak akan diteruskan dan cadangan-cadangan untuk menggantikan konsep tersebut.
77. PR-1331-L66293
Tan Sri Dato' Seri Abd Khalid bin Ibrahim [Bandar Tun Razak] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan bila segala peruntukan dalam akta pro-konsumer seperti Akta Kawalan Harga dan Anti Pencatutan, Akta Perihal Dagangan, Akta Persaingan dan sebagainya akan dikuatkuasakan atau perlukah diperkemas dan diperketatkan.

ATURAN URUSAN MESYUARAT DAN USUL-USUL

1. **Menteri Dalam Negeri** akan mencadangkan:-

“ Bahawa Majlis ini memerintahkan Ketua Polis Negara menjaga supaya selama Penggal Dewan Rakyat yang ada sekarang, jalan-jalan melalui lorong-lorong menuju ke Dewan ini hendaklah sentiasa terbuka dan boleh dilalui dan jangan ada apa-apa halangan menghalang ahli-ahli hendak pergi dan balik dari Dewan ini, jangan berlaku apa-apa kacau-bilau di jalan-jalan menuju ke Dewan ini, dan supaya jangan ada huru-hara di Bangunan Dewan ini dan berhampiran dengan bangunan ini, dan Setiausaha Dewan Rakyat hendaklah menyampaikan perintah ini kepada Ketua Polis Negara yang tersebut itu. “

2. **Yang Berhormat Datuk Seri Noh bin Haji Omar [Tanjong Karang]** akan mencadangkan:-

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Ketiga, Parlimen Yang Ketiga Belas.”

3.	(D.R. 24/2014)	Rang Undang-undang Dadah Berbahaya (Pindaan) (No.2) 2014 [Menteri Kesihatan]	Bacaan Kali Yang Kedua
4.	(D.R. 29/2014)	Rang Undang-undang Pendidikan (Pindaan) 2014 [Menteri Pendidikan]	“
5.	(D.R. 26/2014)	Rang Undang-undang Perhubungan Perusahaan (Pindaan) 2014 [Menteri Sumber Manusia]	“

6. (D.R. 30/2014) Rang Undang-undang Teknologis dan Juruteknik 2014 “

[Menteri Sains, Teknologi dan Inovasi]

7. (D.R. 23/2014) Rang Undang-undang Ahli Parlimen (Saraan) (Pindaan) 2014 “

[Perdana Menteri]

8. PR-1331-U65762

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

[Perdana Menteri]

9. PR-1331-U65853

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanyakan pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati

rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

[Menteri Dalam Negeri]

10. PR-1331-U65760

Tuan M. Kulasegaran [Ipoh Barat] akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

11. PR-1331-U66345

Dr. Tan Seng Giaw [Kepong] akan mencadangkan:-

"Bahawa Dewan ini membahaskan banjir besar di negara."

[Perdana Menteri]

12. PR-1331-U66346

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan gerakan militan di Malaysia."

[Menteri Dalam Negeri]

13. PR-1331-U67135

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

14. PR-1331-U67141

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]